

Gvangjsih Minzcuz Bau

ganhau: CN45-0036 B.2014 Nd.8 Ng.6 liggaueq gyapngux nienz ndwencaet cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3135期

Gvangjsih 2014 Nienz Vahcuengh Sawcuengh Suijbingz Gaujsi Gauj Sat

广西 2014 年壮语文水平考试圆满结束

Bonjbauq siusik (gicej Veiz Yennaz/韦愿娜) 8 nyied 2 hauh lajbyonghgoenz, Gvangjsih 2014 nienz Vahcuengh Swcuengh sui-
bingz gaujsi faenbied youq Nanz-
ningz, Cungzcoj song aen si
gawjhengz, gungh miz 405 boux
gaujseng camgya gaujsi. Nanzningz
Si gaujdenj miz 313 boux gaujseng
gaujsi. Doenghboux gaujseng miz

guekgya gunghvuyenz, swyez
danhvei boux guenjeix, boux
conhyez gisuz, boux lauxsae da
cunghconh hagdangz, youwzyenz,
boux daihhagseng youq hag, giyez
cizgungh, boux gihminz ndawsingz
lajmbanj, boux swyouz cizeyz daengj.
Baez gaujsi neix, camgya gaujsi
vunzsoq cei lai, minzcuz cwngzfw
hix cei lai, miz Bouxcuengh,

Bouxgun, Yauzcuz, Myauzcuz,
Mulaujcuz, Mauznanzcuz, Cauzsens-
cuz, Mungzgucuz daengj. Gaujseng
Bouxcuengh ciemq 91%. Swcigih
Minzyijveij fucujyin Yangj Gijbyauh,
Nanzningz Si Yinzminz Cwngfuj
fumisuhcangj Hij Gyangzcuh cunz-
yawj le Nanzningz Si gaujdenj. Nda
doz dwg Nanzningz Si gaujdenj
gaujsi yienhciegz.



SIUSIK DINJ

简讯

● 8 nyied 2 hauh, Sanhgyangh
Dungcuz Swciyen youq Minzcuz
Dohyeh Gvangjancz gaujbanh 2014
nienz gauhyau bizyezswng ciu-
yez "song baih doxsen" hozdung.
Ngoengzde gungh miz 38 aen
danhvei camgya, daezhawj 214 aen
gangjvei, 700 lai vunz camgya.

(Gunj Yicungh)

● Ceiqgaenh, Dava Yauzcuz
Swciyen gietdingh youz aen yienh
neix Luzyej Yangh Cungsim Siujyoz
bwh hong saedhengz swncienz
minzcuz vwnzva hagdangz daej-
niemh giva, dajsuenq dawz
doenghgij minzcuz conzdungj di-
jyuz hanghmoeg nyingznaq, dwkgyangq,
dwkcik, ringx gengxdie, aemqbax
ciep aendomq nem foux aennyenz,
foux faexsax Yauzcuz yinxhaeuj
ndaw hagdangz.

(Vangz Vwnzboh)

● 7 nyied 30 hauh, Cunghgoz
Yinzsou Baujyenj Cizdonz soengq
175 fanh baujyenj simgyaez hawj
doenghboux vunz henzguk ndaw
Lungzcuh Yen Suijgouj Cin,
Yadung Cin, Binhgyauz Yangh,
Ginhlungz Cin, Vujdwz Yangh.
Soengq gij baujyenj neix le hawj
Lungzcuh Yen 5 aen yanghcin youq
henzguk 3 goengleix dauqndaw de
32786 vunz souh'ik.

(Lungz Yenyinh)

● Bi' gvaq Gvanyangz Yen
Sihsanh Yauzcuz Yangh ginghci
fazcanj gig lai, daengx yangh
sevei cungcanjci 2.5 ik maenz,
doengzbeij gyalai 15.8%, deih-
fueng caizcwngh souhaeuj 322.3
fanh maenz, sevei guding
roengzcienz guh sat 2.7 ik maenz,
doengzbeij gyalai 14.8%, nungzminz
bingzyaenz moix boux souhaeuj
3720, gyalai 10%.

(Yangz Hihyinz)

● Duenh gonq, Liujcwngh Yen
ndaw yienh 20 lai fanh moux
haeuxnaz caeux gaenq laebdaeb
baenz lo. Youq Liujcwngh Yen
Gujcai Mulaujcuz Yangh haeuxgwn
dajndaem gihdi, dangdieg nungz-
minz leihyungh mbwn ndei, sou
haeuxnaz caeux, ndaem haeuxlaeng.

(Dwng Gwzyi)

Liujcouh: Eu Fwen Caez Ciengq Minzcuz Doxgiet

柳州: 山歌唱响民族团结奏曲

7 nyied 25 hauh, "Lungzdanz
miz fwen eu hwnjdaeuj-Liujcouh Si
Dalungzdanz Segih daihsam gaiq
minzcuz doxgiet doenghgij fwen
gwnz vangjloz doxdax haidoengh
yizsi" youq Dalungzdanz Gunghyenz
gawjhengz, baez doxdax neix youz
Liujcouh Si Minzveij, Liujcouh Si
Gohhez cawjbanh, Yizfungh Gih
Minzcuzgiz, Yizfunghgih Vwnzdijgiz,
Denhmaj Gaihdau Banswcu,

Lungzdanz Gunghyenz Gvanjljeu,
Dalungzdanz Segih, Liujcouh
Yinhyoz Vangj ciepbanh. Baez
doxdax neix daj 7 nyied 25 hauh
daengz 10 nyied 25 hauh.

Gij hingzsi baez doxdax neix
dwg youq Liujcouh Yinhyoz Vangj
Beksingq Lundanz gaiq dieg "Bae
Hawfen" hai giz diep(duenh vah
lumj mbaw diep nem youq gwnz
vangzloz de) cienmonz ndeu heuh-

guh "Dalungzdanz Segih Vangjloz
Eu Fwen Doxdax", doenghboux
camgya doxdax de ciuq gij cawjdae
seizneix, aeu eu fwen cungj
hingzsi neix daeuj fatdiep, riengz-
diep, hwng diep, hoengh diep.
Doenghboux camgya doxdax de
mbouj guenj seiz lawz cungj ndaej
hwnj vangj baez fatdiep.

(Yenz Cunzyinh/颜纯欣)